

**57** **Brjef landshöfðingja til sýslumannsins í Eyjafjarðarsýslu um lán handa**  
 29. jan. **Eyjafjarðarsýslu til að koma upp tóvinnuvjelum.** (Ágrip). — Samkvæmt beiðni yð-  
 ar, herra sýslumaður, í þóknanlegu brjefi, dagsettu 28. f. m., hefi jeg veitt sýslu-  
 fjelagi Eyjafjarðarsýslu 12000 króna lán úr viðlagasjóði landsjóðs til þess að  
 koma á fót tóvinnuvjelum, með þeim skilyrðum að lán þetta ávaxtist með 3½ %  
 og sje afborgunarlaust fyrsta árið, en endurborgist síðan á 17 árum með jöfnum  
 afborgunum.

58

## Reglugjörð

fyrir Eyjafjarðarsýslu um lækning hunda af bandormum o. fl.

### 1. gr.

Í hverjum hreppi sýslunnar skal tvisvar á ári, í apríl og nóvember, hreinsa af bandormum alla hunda, sem eru 9 mánaða og eldri; skulu hundarnir fyrst sveltir í sólarhring, og því næst skal gefa þeim inn 5 grömm af Araka, úthræðu í graut eða mjólk. Skulu hundarnir að því búnu vandlega geymdir í 3 klukkutíma í úthýsi eða kofa, þó eigi í fjárhúsum eða heyhlöðum. Allan saur, sem niður af hundunum gengur, skal brenna eða grafa djúpt í jörðu niður, og hylja vandlega yfir.

### 2. gr.

Meðölin er heimilt að borga af sveitarsjóði og útbýtir hreppsnefndin þeim eptir þörfum.

### 3. gr.

Hreppstjóri og hreppsnefnd hafa umsjón með lækningunum. Ef eigendur hundanna framkvæma eigi lækninguna á ákveðnum tíma sjálfir, skal hreppsnefnd og hreppstjóri láta framkvæma hana á kostnað hundeigendanna, sem þá eru skyldir að greiða þeim, er framkvæmir lækninguna 25 aura fyrir hvern hund, er hreinsaður er.

### 4. gr.

Árlega skal senda sýslunefndinni fyrir sýslufund ítarlega skýrslu um lækningarnar og árangur þeirra eptir formi því, er sýslunefndin býr til.

### 5. gr.

Á hverju hreppsþingi skulu hreppstjórar brýna fyrir mönnum, að brenna alla sulli úr slátruðu sauðfje og nautgripum, varast að hundar nái í matar- eða vatnslát o. s. frv.

### 6. gr.

Brot gegn reglugjörð þessari varða sektum frá 1—10 kr. eptir mála-  
 vöxtum og skal fara með mál út af þeim sem opinber lögreglumál.

Framanritaða reglugjörð hefir sýslunefndin í Eyjafjarðarsýslu samið og

samþykkt á aðalfundi sínum 10.—13. þ. m. og birtist hún hjer með öllum hlut-  
adeigendum til eptirbreytni.

58

Skrifstofu Eyjafjarðarsýslu, Akureyri 26. marz 1897.

*Kl. Jónsson.*

## Skýrsla

### um hundalækningar í hreppi í apríl 18

Heimili.	Eru marg- ir hundar á heimil- inu?	Var mörg- um hund- um gefið inn?	Á hve marga hunda verkaði meðalið?	Komu bandorm- ar úr mörgum þeirra?	Hvaða dag fór lækningin fram?	Athugasemdir.

**Brjef landshöfðingja til sýslumannsins í Ísafjarðarsýslu um styrk til gufu- 59**  
**bátsferða í Vestfirðingafjórðungi.** — I þóknanlegu brjefi, dagsettu 12. f. m., hafð 7. apríl  
þjer, herra sýslumaður, jafnframt því að skýra frá því, að sýslunefndin í Norð-  
urÍsafjarðarsýslu hafi veitt 800 króna styrk úr sýsluvegasjóði til gufubátsferða  
um Ísafjarðardjúp á komandi sumri, farið þess á leit að jeg af fje því, er í nú-  
gildandi fjárlögum er ætlað til gufubátsferða í Vestfirðingafjórðungi veitti, 2400  
kr. til móts við nefnda upphæð.

Út af þessu er yður hjer með þjónustusamlega til vitundar gefið til þókn-  
anlegrar leiðbeiningar og frekari ráðstöfunar, að jeg hjer með af fje því, er ræð-  
ir um í 12. gr. C. b. í fjárlögunum fyrir 1896 og 1897 veiti til gufubátsferða um  
Ísafjarðardjúp á komanda sumri  $\frac{3}{4}$  á móti  $\frac{1}{4}$  úr hlutaðeigandi sýslusjóði, allt  
að 2400 krónum, með því skilyrði, að bátur sá, sem ráðinn verður til þessara  
ferða, flytji póstsendingar, vitji þeirra og skili þeim á pósthúsum á viðkomustöð-  
um, án sjerstaks endurgjalds.

**Brjef landshöfðingja til stiptsyfirvaldanna um lán handa Staðarbakkapresta- 60**  
**kalli.** — Samkvæmt tillögum yðar, herra amtmaður, og yðar, herra biskup, í 12. apríl  
þóknanlegu brjefi, dagsettu 7. þ. m., veiti jeg hjer með samþykki mitt til þess  
að presturinn að Staðarbakka, síra Eyjólfur Kolbeins Eyjólfsson, taki 1000 kr.  
embættislán handa prestakallinu til jarðabóta á umgetnu prestssetri, sem sje til  
þess að gjöra varnargarð fyrir austan norðurhluta túnsins og fyrir norðan svo  
kalladan Veituflóa, er liggur fyrir norðan og ofan túnið, og náthaga á eyri fyr-  
ir neðan túnið. Þó er þetta lántökuleyfi mitt þeim skilyrðum bundið, að tekinn  
verði að eins fyrri helmingur lánsins þegar í stað, en síðari helmingurinn, þeg-